



Broj: 01-49-2-1474 /19

Datum: 16.07.2019.godine

IZVJEŠTAJ

o radu Općinskog vijeća Tešanj za period 1.1. – 30.6.2019. godine

UVODNI DIO

Članom 117. Poslovnika o radu OV-a utvrđeno je sljedeće:

1. Općinsko vijeće obavezno je putem nadležne službe izraditi šestomjesečni i godišnji izvještaj i isti nakon usvajanja na sjednici Općinskog vijeća objaviti.
2. Izvještaj iz prethodnog stava obavezno obuhvata:
 - a) broj donesenih i realizovanih odluka,
 - b) prisustvo vijećnika obukama za funkcionalno usavršavanje,
 - c) broj odluka koje su inicirali građani,
 - d) broj održanih javnih rasprava,
 - e) broj građana koji su prisustvovali javnim raspravama,
 - f) broj sprovedenih analiza ekonomske opravdanosti,
 - g) broj građana koji su prisustvovali sjednicama Vijeća
 - h) prisustvo vijećnika sjednicama Vijeća.
 - i) broj građanskih prijedloga, primjedbi i inicijativa.


Izvještaj o radu Općinskog vijeća Tešanj za period 1.1. – 30.6.2019. godine predviđen je u drugom kvartalu Programa rada za 2019. godinu.

IZVJEŠTAJNI DIO

a. Općinsko vijeće je donijelo 23 odluke, 8 rješenja i 38 zaključka

Sagleda li se struktura tema i pitanja o kojima se vodila rasprava i donosili određeni zaključci u izvještajnom periodu najbrojnije su bili


- prijedlozi odluka (23),
- informacije (15),
- izvještaji (10),
- prijedlozi rješenja (8).



Općinski vijećnici su u svom radu podnijeli ukupno 32 akta i to:


- 17 vijećničkih pitanje,
- 12 inicijativa i
- 3 amandmana,

na koje je odgovoreno, uglavnom do naredne sjednice Vijeća.



U izvještajnom periodu Općinsko vijeće je nakon provedenih rasprava usvojilo ukupno 79 akata i to

- 23 odluke,
- 8 rješenja i
- 38 zaključaka.



Realizacija akata

Informacija o realizaciji akata koje je Općinsko vijeće usvojilo u periodu od predhodne sjednice sedam dana prije održavanja sjednice dostavlja se vijećnicima u materijalima za sjednicu i medijima, a objavljuje na web stranici Općine i oglasnoj tabli.

Uvidom u hronološki registar propisa objavljenih u "Službenom glasniku Općine Tešanj" u izvještajnom periodu, može se konstatovati da su akte donesene od strane Općinskog vijeća, Općinski načelnik i administracija uglavnom i realizirali u predviđenom roku, i da je u toku realizacija preostalih akata.

b. U izvještajnom periodu vijećnici nisu imali edukacije za funkcionalno usavršavanje, ali su prisustvovali mnogobrojnim manifestacijama i kulturno-obrazovnim dešavanjima (Tešanjsko proljeće (više sadržaja u programu), obilježavanje 1. Marta, 4. Aprila, svečano otvorenje mosta Lejle Mulalić u Jelahu, dani mjesnih zajednica i dr.....

c. Općinsko vijeće je donijelo 12 akata koja su inicirali građani.

d. Održana je 1 javna rasprava.

- e. Javnim raspravama je prisustvovao 26 građana.
-
- f. Sjednicama Vijeća pored redovnih gostiju prisustvovao 16 građana.
-
- g. Nije bilo odluka koje su zahtjevale posebnu ekonomsku opravdanost.
-
- h. Prisustvo vijećnika sjednicama Vijeća bilo je dobro, jer su svakoj sjednici Vijeća, od ukupno 25 vijećnika, u prosjeku prisustvovala 23 vijećnika, ili 92 %.
-

Na ukupno 5 održanih sjednica Vijeća u periodu od 1.1.do 30.6. 2019. godine, uglavnom nakon ranije najavljenog opravdanog odsustva, sjednicama Vijeća nisu prisustvovali slijedeći vijećnici:

1.	Klepić Šemsudin	2 sjednice Vijeća
2.	Hodžić Enes	2 sjednice Vijeća
3.	Hodžić Sedina	2 sjednice Vijeća
4.	Solo Fahir	1 sjednica Vijeća
5.	Turkeš Kenan	1 sjednica Vijeća

- i. U izvještajnom periodu Vijeću je dostavljeno 9 građanskih prijedloga, primjedbi i inicijativa _____

SJEDNICE VIJEĆA

Općinsko vijeće Tešanj je u periodu 1.1. – 30.6.2019. godine radilo u redovnim javnim zasjedanjima. Održano je ukupno 5 sjednica od kojih je jedna bila tematska. Sjednice Vijeća u izvještajnom periodu trajale su u prosjeku oko 4 sata.

Aktivnosti Općinskog vijeća zasnivale su se na zadacima utvrđenim Programom rada Vijeća za 2019. godinu. U pripremi sjednica Općinskog vijeća redovno su održavani sastanci Kolegija Vijeća. Ovakav način rada je doprinio da se na kvalitetniji način planiraju teme za svaku od sjednica Vijeća, obavi rasprava o pojedinim pitanjima i usaglasi dnevni red sjednice čije se održavanje planiralo.

Materijali su u izvještajnom periodu uglavnom dostavljani najmanje 7 dana prije održavanja sjednice, čime je redovno poštovana procedura predviđena Poslovníkom o radu Vijeća.

Cjelokupan radni materijal planiran za sjednice Vijeća, poslije sjednice Kolegija objavljuje se na zvaničnoj web strani Općine. Ovim činom sav materijal činimo dostupnim svim građanima sa ciljem da do početka sjednice preko vijećnika mogu reagovati svojim primjedbama na svaki od predloženih dokumenata.

Sjednicama Vijeća su u svojstvu gosta redovno pozivani: poslanici u državnom parlamentu i kantonalnoj skupštini s područja općine, OSCE, kao i predstavnici javnih preduzeća i ustanova, i drugi, kada je razmatrana određena problematika vezana za navedene institucije.

Na dnevnom redu sjednica Vijeća bilo je 50 tačaka, od čega su 36 ili 72% bile predviđene Programom rada Vijeća za 2019. godinu. Ostalih tačaka 14 ili 28 % bile su tekuće aktivnosti nastale kao posljedica zahtjeva građana, poslovnog svijeta i drugih subjekata pred administracijom. U prosjeku je bilo po 10 tačaka dnevnog reda po jednoj sjednici.

Osnovne tematske odluke predviđene Programom rada koje je Vijeće u izvještajnom periodu donijelo

- Odluka o uslovima za obavljanje poslova upravitelja
- Odluka o usvajanju plana kapitalnih investicija za 2019.godinu
- Odluka o usvajanju Programa novčanih podsticaja za unapređenje poljoprivredne proizvodnje na području općine Tešanj u 2019.godini
- Odluka o izmjeni i dopuni Odluke o pristupanju izradi Prostornog plana općine Tešanj
- Odluka kojom se utvrđuje da je od javnog interesa izgradnja sportsko rekreacionog centra u Orašje Planjama, općina Tešanj
- Odluka o gubitku statusa Javno dobro-put k.p. broj 1802/3, na lokalitetu zv.Ravne
- Odluka o prodaji zemljišta k.p. broj 1802/3, na lokalitetu zv.Ravne
- Odluka o ukidanju statusa Javnog dobra-put označenog kao k.p. broj: 195/2 k.o. Rosulje
- Odluka o prodaji zemljišta označenog kao k.p. broj: 195/2 k.o. Rosulje neposrednom pogodbom
- Odluka o gubitku statusa Javnog dobra-put označenog kao k.č.broj: 1176/3 k.o. Mekiš
- Odluka o prodaji zemljišta neposrednom pogodbom za izgradnju trafo stanice u Dobropolju

Osnovne tematske odluke koje nisu bile predviđene Programom rada za 2019.godinu

- Odluka o izmjeni i dopuni Odluke o načinu rasporeda budžetskih i drugih sredstava za dugoročnu podršku realizaciji kapitalnih projekata
- Odluka o izmjenama i dopunama Odluke o zagrijavanju Tešnja daljinskim grijanjem i uslovima za isporuku i preuzimanje toplotne energije
- Odluka o davanju zemljišta u Bukvi na korištenje firmi "MADI" d.o.o. Tešanj
- Odluka kojom se odobrava prodaja i raspisivanje Javnog konkursa za parcelu broj 5/35 u Poslovnoj zoni Bukva
- Odluka o prodaji zemljišta označenog kao k.p. broj: 1128/18 k.o. Miljanovci Donji neposrednom pogodbom
- Odluka o davanju saglasnosti za prenos prava na nekretnini radi izgradnje ambulante u Miljanovcima
- Odluka o davanju saglasnosti na kupovinu zemljišta od Đonlagić Derviša
- Odluka o odobravanju kreditnog zaduženja JP Toplana d.d. Tešanj i davanju garancije Općine za kreditno zaduženje kod Razvojne banke Federacije BiH
- Odluka o prodaji zemljišta neposrednom pogodbom u Medakovo
- Odluka o odobravanju raspisivanja Javnog konkursa za parcelu 288/3 u Ljetiniću
- Odluka o komunalnoj naknadi
- Odluka o određivanju vrijednosti boda za obračun komunalne naknade za 2019. godine

Na 28.sjednici **nije usvojen** Prijedlog Odluke o izmjeni Odluke o nazivima i označavanju ulica, trgova, i označavanju objekata brojevima na području Općine Tešanj, ali je usvojen **zaključak** koji glasi: "Da se prilikom prve izmjene Odluke o izmjeni Odluke o nazivima i označavanju ulica, trgova, i označavanju objekata brojevima na području Općine Tešanj u članu 2 pojasni stav 1 sitagma "područjima", na način da se radi o pripadajućim poštanskim područjima Tešanj, Jelah i Tešanjka."

JAVNOST RADA

Rad svih sjednica Vijeća bio je javan. Sjednicama su redovno prisustvovali i mediji (TV "Smart" Tešanj). Sjednice su emitovane u jasno definisanom terminu, prva subota nakon održavanja sjednice sa početkom u 21,00 sati i nedjelja u 14,00 sati u programu TV "Smart" Tešanj i najkasnije u roku od tri dana na NTV "Amna" Tešanj. Građanima općine bilo je omogućeno televizijsko praćenje sjednica Vijeća, te kraće reportaže putem TV "Smart" Tešanj (Tešanjska hronika) i lokalnih radio stanica. Također, rad Vijeća redovno je predstavljan na web stranici Općine Tešanj i Tešanjskom biltenu, te na druge načine (facebook stranici i aplikacije za mobilne telefone). Konačni akti redovno su objavljeni u "Službenom glasniku Općine Tešanj", koji su građanima dostupni i na web stranici Općine Tešanj.

RADNA TIJELA VIJEĆA

1. Stalna radna tijela OV

Za pripremanje i razmatranje prijedloga odluka i drugih akata i za praćenje i proučavanje drugih akata iz nadležnosti Vijeća, u Vijeću se obrazuju stalna radna tijela.

U skladu sa Odlukom o izmjenama i dopunama Poslovnika o radu, u izvještajnom periodu, na 25. sjednici usvojen je Prijedlog Rješenja o imenovanju stalnih radnih tijela Općinskog vijeća Tešanj:

1. Statutarno – pravna komisija;
2. Komisiju za monitoring nad realizacijom Strategije razvoja Općine Tešanj;
3. Komisiju za budžet;
4. Komisiju za praćenje primjene kodeksa ponašanja vijećnika i javnosti rada Vijeća;
5. Komisiju za pitanja mladih i ravnopravnost polova i
6. Komisiju za zaštitu čovjekove okoline;.

Komisija za izbor i imenovanje je u toku provođenja procedure ispoštovala odredbe

Odluke o kriterijima za izbor i imenovanje članova radnih tijela Općinskog vijeća Tešanj ("Službeni glasnik Općine Tešanj" broj 4/18) i Odluke o izmjeni i dopuni Poslovnika o radu Općinskog vijeća Tešanj ("Službeni glasnik Općine Tešanj" broj 1/18), u pogledu objave javnog oglasa, izbora članova iz reda građana i ispunjavanja svih kriterija a naročito školske spreme i radnog iskustva. Kod jednako rangiranih kandidata prednost su imali pripadnici manje zastupljenog pola, pripadnici nevladinog sektora i marginaliziranih grupa. U svaku komisiju predložen je minimalno jedan član sa visokom stručnom spremom a u Statutarno-pravnoj komisiji, Komisiji za Budžet i Komisiji za monitoring nad realizacijom Strategije razvoja Općine Tešanj svi kandidati imaju odgovarajuću visoku stručnu spremu. Što se tiče spolne strukture od ukupno 24 kandidata, 11 je ženskog a 13 je muškog spola.

Na prijedlog predsjednika Komisije za izbor i imenovanja Vijeće je na 27. sjednici usvojilo dva zaključka:

- Da Općinsko vijeće Odluku o visini nadoknade za rad članova radnih tijela Općinskog vijeća i vijećnika primjenjuje shodno planiranoj budžetskoj stavci (ekonomski kod 613974 i 613974) kako je usvojeno budžetom za 2019.godinu.
- Da Komisija za izbor i imenovanje pripremi novi prijedlog Odluke o utvrđivanju uslova i kriterija za izbor i imenovanje članova radnih tijela Općinskog vijeća Tešanj uz obrazloženje da su u toku provođenja procedure uočili neke pojedinosti koje bi trebalo precizirati.

Realizacija ovih zaključaka je u toku.

Komisija za izbor i imenovanje je izvještajnom periodu razmatrala Zahtjev za razrješenje dužnosti člana OIK – Brkić Dijana, te nakon toga usvojila zaključak da se Prijedlog Rješenja o razrješenju člana Općinske izborne komisije, pripremi i predložiti Kolegiju OV radi uvršavanja u dnevni red. Prijedlog je na 28.sjednici usvojen.

Prva informativna sjednica novoizabranih stalnih radnih tijela sa Predsjedavajućim Vijeća i tehničkim sekretarom održana je 15.04.2019.godine na temu:

- Funkcionisanje i rad stalnih radnih tijela - komisija Općinskog vijeća Tešanj

Isti dan sve Komisije su posebno održale radne sastanke sa dnevnim redom:

- izbor predsjednika i zamjenika
- dogovor o daljem radu i saradnji.

U izvještajnom periodu održano je 16 sastanaka stalnih radnih tijela.

R.br.	RADNA TIJELA	Broj sastanaka od 1.1.-30.6.2019.
1.	Komisija za pitanja mladih i ravnopravnost polova	6 sastanaka
2.	Komisija za izbor i imenovanje	3 sastanka
3.	Statutarno-pravna komisija	2 sastanka
4.	Komisija za praćenje primjene kodeksa ponašanja vijećnika i javnost rada vijeća	1 sastanak
5.	Komisija za zaštitu čovjekove okoline	1 sastanka
6.	Komisija za budžet	2 sastanka
7.	Komisija za monitoring nad realizacijom Strategije razvoja općine Tešanj	1 sastanak

Komisija za pitanja mladih i ravnopravnost polova je u izvještajnom periodu

- Općinskom vijeću uputila inicijativu za izradu Gender akcionog plana 2019-2022. Inicijativa upućena u proceduru.
- dostavila prijedlog za prihvatanje ponude Pozorišta mladih Tuzla o uspostavljanju saradnje sa našom općinom kroz projekat „Dramskog studija za djecu, mlade i odrasle“ u Tešnju po modelu rada Pozorišta mladih Tuzla Na osnovu Član-a 33 tačka c) koji glasi „Komisija predlaže programe i projekte kreativnog angažovanja mladih u oblasti kulture, edukacije, sportskih aktivnosti i sl.“. Prijedlog upućen Općinskom načelniku na izjašnjenje.
- Članovi Komisije učestuju na UNDP projektu „Žene na izborima u Bosni i Hercegovini“ (2018-2022), i prisustvovali su već na nekoliko radionica i seminara.

Statutarno-pravna komisija je u izvještajnom periodu na zahtjev Službe za finansije, komunalne i inspeksijske poslove izvršila utvrđuje prečišćenog teksta Odluke o zagrijavanju Tešnja daljinskim grijanjem i Uslovima za isporuku i preuzimanje toplotne energije.

Komisija za Budžet je u izvještajnom periodu razmatrala Izvještaj o izvršenju Budžeta za 2018. godinu i Izvještaj o izvršenju Budžeta za I kvartal 2019. godine i Općinskom vijeću dostavila mišljenje.

2. Povremena radna tijela OV

Općinsko vijeće Tešanj je na svojoj 25. redovnoj sjednici održanoj dana 31.01.2019.godine, razmatrajući Izvještaj o radu Općinskog vijeća za 2018.godinu, donijelo zaključak:

„Kao sastavni dio izvještaja o radu Općinskog vijeća biće dostavljeni i izvještaji za rad komisija koje imenuje Vijeće i to:

- 1. Općinska izborna komisija i**
- 2. Komisija za procjenu vrijednosti nekretnina u prometu.“**

Shodno tome, u nastavku je izvještaj o radu povremenih radnih tijela:

Općinska izborna komisija Tešanj je na osnovu člana 15. Poslovnika o radu OIK Tešanj, broj: 01-12/16 od 09.06.2016. godine, te Zaključka OV Tešanj, od 01.02.2019. godine, Općinskom vijeću dostavila Izvještaj o radu OIK Tešanj za period 01.01.-30.06.2019. godine koji prenosimo u cjelosti:

I Nadležnosti OIK Tešanj (Izborni zakon BiH čl. 2.13) je slijedeća: Osigurava da sve kandidatske liste za općinsko vijeće budu sastavljene u skladu sa Izbornim zakonom BiH i dostavlja ih na odobrenje Izornoj komisiji BiH; nadgleda rad općinskih organa u procesu provedbe izbora, a osobito proces registracije birača; određuje biračka mjesta na području općine za glasanje na svim nivoima vlasti u BiH; imenuje i obučava članove biračkih odbora; brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini; obavještava birače o svim informacijama neophodnim za provedbu izbora, u skladu sa propisima Izborne komisije Bosne i Hercegovine; . odgovorna je za uređenje biračkog mjesta i druge tehničke pripreme za izbore; odgovorna je za pravilno brojanje glasačkih listića na biračkim mjestima i u općinskim centrima za brojanje; objedinjuje rezultate izbora sa svih biračkih mjesta u Općini, posebno za svaki organ za koji je vršen izbor, i dostavlja ih Izornoj komisiji Bosne i Hercegovine i 10. obavlja druge poslove u skladu sa zakonom i propisima Izborne komisije Bosne i Hercegovine.

Aktivnosti Centra za Birački spisak Općine Tešanj: provjera funkcionisanja veza prema CIK I CIPS-u – svakodnevno, sedmični izvještaji CIK-u – svake sedmice, preuzimanje e-mail pošte pristigle internom e-mail vezom sa CIK (obrađa, dostava OIK, dostava odgovora itd.) - po potrebi, praćenje i ažuriranje Biračkog spiska – svakodnevno, priprema podataka vezanih za Birački spisak, provjera ispravnosti uređaja i opreme Centra i otklanjanje nedostataka sa IT administratorima i drugi poslovi i zadaci na zahtjev CIK BiH i OIK Tešanj.

II Radni dio Ako se imaju u vidu nadležnosti izbornih komisija onda se može uočiti činjenica da su osnovne aktivnosti pretežno vezane za izbornu godinu i sam izborni proces.

U skladu s članom 5. Uputstva o načinu rada i izvještavanju izborne komisije osnovne izborne jedinice u BiH, izborne komisije su obavezne do 31.01. tekuće godine dostaviti Centralnoj izornoj komisiji BiH izvještaj o radu za prethodnu godinu, i najmanje jednom mjesečno izvještavati CIK BiH na propisanom obrascu (MIOROIJ).

S tim u vezi, OIK Tešanj je u izvještajnom periodu pripremila i prosljedila Centralnoj izornoj komisiji BiH:

1. Izvještaj o radu za 2018. godinu, ujedno i izbornu, uključujući radni i finansijski dio, te popunu tri tabele u prilogu (finansijski dio, aktivnosti na provođenju izbora, te rad Centra za birački spisak),
2. 6 mjesečnih izvještaja na propisanom obrascu (MIOROIJ),
3. 1 kvartalni izvještaj o radu za period 01.01.-31.03.2019. godine.

U aprilu 2019. godine član OIK Tešanj Dijana Brkić je razriješena Odlukom OV Tešanj na lični zahtjev i od tada izborna komisija djeluje u sastavu od 4 člana.

U periodu izvještavanja OIK Tešanj je održala ukupno 9 sjednica te pripremila Zapisnike sa održavanja istih. Nije bilo kršenja Poslovnika o radu, na sjednicama su prisustvovali svi članovi, a sve odluke su donošene jednoglasno. Tokom izvještajnog perioda OIK Tešanj je donijela tri Odluke te druge akte u okviru svoje nadležnosti (odgovori, podaci, dopisi, izvještaji...). Izvršena je analiza rada OIK Tešanj i biračkih odbora o provedenim Općim izborima u 2018. godini, sagledani problemi i poteškoće u provođenju izbora, te identifikovane prednosti i nedostaci u smislu primjene novih izmjena Izbornog zakona BiH.

Najveće poteškoće na koje je naišla OIK u svom radu se odnosio na primjenu zakonske regulative u smislu angažovanja zamjenika članova BO. Zamjenici članova BO nisu učestvovali u radu, odnosno brojanju, te iz navedenog razloga nisu imali adekvatnu naknadu za rad. Iz navedenog razloga došlo je do odustajanja i pojedinih članova te otežano imenovanje zamjenika članova BO koji nisu bili zainteresovani za tu funkciju. Nije bilo pojave masovnog odustajanja članova biračkih odbora, i na vrijeme je izvršeno imenovanje i obuka. Nakon analize izvršavanja planiranih i zakonom propisanih aktivnosti može se zaključiti da su sve aktivnosti na provođenju izbora uspješno realizovane, prije svega uz puni angažman članova OIK-a, uz podršku općinskih i drugih relevantnih organa te osoba uključenih u izborni proces, što je imalo za rezultat uspješno realizovane izbore, bez primjedbi na rad članova OIK-a, niti sankcionisanja biračkih odbora od strane Centralne izborne komisije BiH na području osnovne izborne jedinice Tešanj.

U izvještajnom periodu Općinska izborna komisija Tešanj je uzela obavezno aktivno učešće u radu edukacija: Postizborna konferencija "Opći izbori 2018.-izazovi izbornog procesa u BiH" u organizaciji CIK BiH i OSCE BiH te Vijeće Evrope, koja je održana od 14-16. aprila 2019. godine u Sarajevu. Tokom Konferencije izborne komisije su upoznate o problemima provedenih Općih izbora 2018., novim izmjenama podzakonskih akata na provođenju Lokalnih izbora u 2020. godini kao i drugim aktivnostima vezanim za ovu tematiku.

U saradnji sa matičnim uredima pri Općini Tešanj kontinuirano se pribavljaju podaci o umrlim osobama u svrhu ažuriranja biračkih spiskova. Redovno se ažuriraju, vode i kontrolišu evidencije, vodi arhiva i ostali poslovi iz djelokruga rada izborne komisije te ostvaruje saradnja sa Općinskim načelnikom, službama, političkim i drugim subjektima koji imaju dodira sa radom OIK-a. Putem Centra za birački spisak ostvaruje se svakodnevna elektronska komunikacija sa Centralnom izbornom komisijom BiH, prilikom koje se sve tražene informacije, akti te drugi podaci dostavljaju na njihov zahtjev i pravovremeno.

III Finansijski dio Sredstva za izbornu 2018. godinu su obezbijedena u budžetu Općine, u skladu sa zahtjevom OIK Tešanj. Iznos sredstava je bio dovoljan za provođenje Općih izbora 2018. godine.

Centralna izborna komisija BiH je uplatila sredstva za isplatu naknada članovima BO u ukupnom iznosu od 37.935,69 KM, a sve isplate i plaćanja za potrebe rada OIK Tešanj, uz priloženu dokumentaciju, se vrše putem nadležne općinske službe.

U skladu sa članom 2.12 stav 9 Izbornog zakona BiH visinu naknade članovima OIK-a utvrđuje Centralna izborna komisija BiH svojim propisom. Odlukom Centralne izborne komisije BiH, broj: 05-1-07-1-407-5/16 od 28.04.2016. godine članovima OIK je utvrđena stalna mjesečna naknada u neizbornom i izbornom periodu. U budžetskoj stavci za 2019. godinu planirano je ukupno 29.500,00 KM, od čega je 16.000,00 KM planirano za naknade članovima izborne komisije Tešanj. OIK Tešanj nema primjedbi na podršku i saradnju Općine Tešanj. Do sada je svoj rad obavljala profesionalno, a sve aktivnosti je uspješno završavala u zadatim rokovima. U svom radu nije imala poteškoća, posebno što se tiče finansijskih sredstava, prostora i opreme za rad.

IV Centar za birački spisak Za Rukovodioca Centra za birački spisak Tešanj (CBS) Općina Tešanj je imenovala Ibrahimkadić Zahira. Aktivnosti CBS tokom izvještajnog perioda su slijedeće: provjera za ukupno 284 umrla lica da li se i dalje vode na Centralnom biračkom spisku, dostavljeno je 26 izvještaja CBS (svaki ponedjeljak) Centralnoj izbornoj komisiji BiH, prati se i vrši primopredaja e-mail pošte između CIK BiH i OIK Tešanj, biračima su (po potrebi) date dodatne informacije i pojašnjenja vezano za Birački spisak.

Komisija za procjenu vrijednosti nekretnina u prometu.

Na osnovu člana 10. stav 2. Zakona o porezu na promet nekretnina („Službene novine Zeničko-dobojskog kantona“ broj 6/09) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj je na svojoj 12. sjednici, održanoj dana 31.10.2017. godine, Rješenjem imenovalo dvije Komisije za procjenu vrijednosti nekretnina u prometu na period od dvije godine

Zadatak komisije je da vrši procjenu prometa nekretnina u skladu sa Zakonom o porezu na promet nekretnina („Službene novine Zeničkodobojskog kantona“ broj 6/09).

Način rada Komisije i kriteriji na osnovu kojih se vrši utvrđivanje tržišnih vrijednosti nekretnina na području općine Tešanj definisan je Pravilnikom koji je donio Općinski načelnik dana 16.12.2009.godine („Službeni glasnik općine Tešanj“, broj: 10/09) na osnovu čl. 10. i 35. Zakona o porezu na promet nekretnina, čl. 16. I 15. Zakona o porezu na imovinu, nasljeđe i poklon i čl. 30. Statuta općine Tešanj

Uvidom u službenu evidenciju koju evidentira koordinator koji vrši organizaciju rada Komisije, utvrđeno je da je imenovana Komisija u izvještajnom periodu od 01.01.2019.godine do 30.06.2019.godine, izvršila procjenu za 271 predmet (ugovori, rješenja, odluke), od čega je izvršena procjena za 443 parcele i procjena za 72 objekta.

Drugostepena komisija za rješavanje po žalbama protiv prvostepenih rješenja općinskih organa uprave imenovana Rješenjem broj:01-49-2-1541-2/17 od 03.07.2017.godine („Sl.glasnik općine Tešanj“, broj:6/17). Zadatak Komisije je rješavanje po žalbama izjavljenim protiv rješenja i drugih akata općinskih organa uprave Općine Tešanj, a koji su rješavani na osnovu Statuta ili drugih propisa Općinskog vijeća i Općinskog načelnika u prvostepenom upravnom postupku. Komisija je u periodu od imenovanja do 30.06.2019.godine održala 9 sastanaka i odlučila o 14 žalbi na rješenja općinskih organa uprave.

Komisija za provođenje javnog nadmetanja - licitacije u postupku prometa općinskim zemljištem je imenovana na 25. sjednici Općinskog vijeća održanoj dana 31.01.2019.godine na period od 01.01.2019. godine do 31.12.2019. godine.

Komisija ima zadatak da postupak nadmetanja- licitacije nekretnine provode u skladu sa odredbama Pravilnika o postupku javnog konkursa za raspolaganje nekretninama u vlasništvu Federacije BiH, kantona, općina i gradova („Sl.novine FBiH“, broj:17/14).

Komisija vodi zapisnik u koji se unosi cijeli tok postupka i sve ponude stavljene od pojedinih učesnika, kao i stavljeni prigovori. Nakon okončanog postupka nadmetanja-licitacije, Komisija je obavezna svu dokumentaciju vezanu za provedeni postupak dostaviti Službi za katastar, urbanizam i imovinsko pravne poslove.

U izvještajnom periodu održan je jedan sastanak u vezi prodaje parcele radi oblikovanja i saglasnosti za prenos prava.

ZAKLJUČCI

- a. Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u periodu 01.01. – 30.6.2019. godine uspješno realizovalo svoju ulogu.
- b. Većina odluka je usvojena jednoglasno.
- c. Aktivnost Vijeća se ogleda i kroz podnesenih 32 akta (amandmani, vijećnička pitanja i inicijative) i usvojenih 79 akata koji su upućeni Općinskom načelniku i administraciji na realizaciju, od kojih je većina realizovana. Informacija o realizaciji odluka, rješenja i zaključaka Općinskog vijeća je redovno dostavljana u i objavljujvana na web stranici Općine u materijalima za svaku sjednicu.
- d. U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i jednim dijelom u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj.



PREDSJEDAVAJUĆI VIJEĆA

Senad Subašić
Senad Subašić, dipl.oec.